

Bosna i Hercegovina
Federacija Bosne i Hercegovine
KANTON SARAJEVO
Ministarstvo za boračka pitanja



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's affairs

Broj: 01-05-19701/15
Sarajevo: 29.07.2015. godine

SKUPŠTINA KANTONA SARAJEVO
- OVDJE -

PREDMET: Odgovor na zastupničko pitanje zastupnika Nermina Bjelaka, dostavlja se

Zastupnik Nermin Bjelak je na 5. Radnoj sjednici Skupštine Kantona Sarajevo održanoj dana 21.07.2015. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje:

„Zašto se ne poštuje prioritet pri zapošljavanju djece boračke populacije. Posebno djece čiji su očevi nosioci najvećih ratnih priznanja. Tražim da Vlada i Ministarstvo za boračka pitanja naprave registar te djece i da ih pokušaju zaposliti. Sramotan je odnos nekih institucija i ustanova prilikom zapošljavanja djece boračkih populacija.“

Na postavljeno zastupničko pitanje dajemo slijedeći


ODGOVOR

Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćen tekst i 26/14) je definisano „pravo prioriteta u zapošljavanju“. Članom 23. pomenutog Zakona propisano je da: „Lica iz člana 1. i 2. pomenutog Zakona ostvaruju pravo na prvenstvo pri zapošljavanju, a pritom prioritet imaju djeca šehid-poginulih branioca, umrlih ratnih vojnih invalida i umrlih dobitnika ratnih priznanja i odlikovanja. Kantonalni organi uprave i kantonalne upravne organizacije, Grad Sarajevo, općine, kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su prilikom prijema u radni odnos obezbjediti prioritet licima iz člana 1. ovog Zakona, kao i članovima uže porodice ratnog invalida. Članom 18. Zakona o organizaciji i djelokrugu organa uprave i upravnih organizacija Kantona Sarajevo („Službene novine KS“ br. 7/08, 16/08-ispravka) propisano je da Ministarstvo za boračka pitanja vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti zaštite branioca, dobrovoljaca i organizatora



web: <http://mbp.ks.gov.ba>
e-mail: minbopi@ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1





otpora, veterana, učesnika rata, ratnih vojnih invalida, mirnodopskih vojnih invalida, porodica šehida i porodica poginulog, umrlog, nestalog branioca i nosioca najviših ratnih priznanja, ratnih vojnih zarobljenika i učesnika Narodnooslobodilačkog antifašističkog rata 1941.-1945. godine, na području Kantona, vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Politika zapošljavanja se realizuje putem Ministarstva za rad, socijalnu politiku, raseljena lica i izbjeglice te putem nadležnih Zavoda za zapošljavanje Federacije Bosne i Hercegovine.

U svom dosadašnjem radu a na osnovu molbi lica iz čl.1 i 2. Zakona, Ministarstvo za boračka pitanja je izdavalo preporuke za prioritet u zapošljavanju, međutim ovaj organ nema mehanizam koji bi omogućio da Kantonalni organi uprave i kantonalne upravne organizacije, Grad Sarajevo, općine, kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25% poštuju zakonsku odredbu.

Ministarstvo za boračka pitanja Kantona Sarajevo predlaže da Skupština Kantona Sarajevo donese Zaključak kojim bi se navedena pravna lica obavezala da obezbjede prioritet u zapošljavanju lica iz čl.1 i 2. Zakona prilikom prijema u radni odnos a na način da se u zakonske i podzakonske akte istih unese odredba kojom bi se uredilo prvenstvo u zapošljavanju lica iz čl. 1. i 2. Zakona a posebno djece šehida-poginulih branioca, umrlih ratnih vojnih invalida i umrlih dobitnika ratnih priznanja i odlikovanja. Također, potrebno je propisati kaznene odredbe za pravna lica koja ne ispoštuju gore navedeno pravo.

Kada je u pitanju uspostavljanje registra postoje određene inicijative da će se u narednom periodu ići u pravcu uspostavljanja jedinstvenog registra za pripadnike OS RBiH na nivou Federacije Bosne i Hercegovine, a koje je u nadležnosti Vlade Federacije i Federalnog ministarstva za pitanje boraca i invalida odbrambeno-oslobodilačkog rata. Službe za boračko-invalidsku zaštitu i boračka udruženja vode evidencije djece šehida i djece umrlih ratnih vojnih invalida koja ostvaruju pravo na porodičnu invalidninu kao i djece dobitnika najvećih ratnih priznanja i odlikovanja.

S poštovanjem,

Obradila: Mališević Nasiha
Kontrolisao: Smajlović Osman



Dostaviti:

- Predsjedavajućem Skupštine Kantona Sarajevo,
- Stručnoj službi Vlade Kantona Sarajevo,
- evidencija,
- a/a.

